

Na osnovu Protokola za osiguranje fitosanitarnih zahtjeva između Ministarstva vanjske trgovine i ekonomskih odnosa Bosne i Hercegovine i Federalne službe za veterinarski i fitosanitarni nadzor Ruske Federacije prilikom međusobnih isporuka proizvoda visokog fitosanitarnog rizika, člana 86. stav 2. Zakona o zaštiti zdravlja bilja („Službeni glasnik BiH“, broj 23/03), člana 61. stav 2. Zakona o upravi („Službeni glasnik BiH“, br. 32/02, 102/09 i 72/17) i čl. 17., 18. i 19. Pravilnika o mjerama za sprečavanje unošenja, širenja i suzbijanja štetnih organizama na bilju, biljnim proizvodima i regulisanim objektima („Službeni glasnik BiH“, broj 59/11), Uprava Bosne i Hercegovine za zaštitu zdravlja bilja, donosi

## UPUTSTVO

### **O IMPLEMENTACIJI PROTOKOLA ZA OSIGURANJE FITOSANITARNIH ZAHTEVA IZMEĐU MINISTARSTVA VANJSKE TRGOVINE I EKONOMSKIH ODNOSA BOSNE I HERCEGOVINE I FEDERALNE SLUŽBE ZA VETERINARSKI I FITOSANITARNI NADZOR RUSKE FEDERACIJE PRILIKOM MEĐUSOBNIH ISPORUKA PROIZVODA VISOKOG FITOSANITARNOG RIZIKA**

1. Tačkom 2. Protokola za osiguranje fitosanitarnih zahtjeva između Ministarstva spoljne trgovine i ekonomskih odnosa Bosne i Hercegovine i Federalne službe za veterinarski i fitosanitarni nadzor Ruske Federacije prilikom međusobnih isporuka proizvoda visokog fitosanitarnog rizika (u daljem tekstu: Protokol), Uprava Bosne i Hercegovine za zaštitu zdravlja bilja (u daljem tekstu: Uprava) je odgovorna za realizaciju odredbi Protokola od strane Bosne i Hercegovine. Ovim Uputstvom se daju detaljnije instrukcije za postupanje nadležnih fitosanitarnih inspektora prilikom pregleda i izdavanja fitosanitarnih certifikata za pošiljke proizvoda visokog fitosanitarnog rizika u Rusku Federaciju.
2. U cilju garantovanja fitosanitarnih zahtjeva Ruske Federacije kao i obezbjeđivanja sljedivosti podataka i porijekla voća i povrća za Rusku Federaciju izvoznici i proizvođači koji se bave proizvodnjom, otkupom ili skladištenjem u proizvodnim područjima sa namjerom izvoza voća i povrća u Rusku Federaciju moraju biti upisani u Jedinstveni registar izvoznika voća i povrća u Rusku Federaciju (u daljem tekstu: Jedinstveni registar) a koji predstavlja objedinjeni registar entiteta i Brčko distrikta BiH koji vodi Uprava u skladu sa tačkom 8. Protokola.
3. Fitosanitarni inspektor će izvršiti provjeru dokumentacije i utvrditi da li je pravno lice upisano u Jedinstveni registar, da li pravno lice ima sopstvenu ili ugovorenu proizvodnju preko registrovanih proizvođača sa kojima mora imati zaključen ugovor, da li je proizvođač evidentiran u Jedinstvenu evidenciju proizvođača voća i povrća za Rusku Federaciju koju vodi Uprava i provjerava fitosanitarne zahtjeve Ruske Federacije kao i provjeru druge relevantne dokumentacije.
4. Izvoznici su obavezni obezbijediti prisustvo etiketa-deklaracija na vlastitim pakovanjima voća i povrća na kojoj će biti naveden izvoznik i proizvođač u skladu sa tačkom 10. Protokola, što će se konstatovati Zapisnikom fitosanitarnog inspektora.
5. Izvoznici su dužni da sredstva transporta i kontejnere koji se koriste prilikom izvoza proizvoda voća i povrća u Rusku Federaciju, prethodno prije utovara očiste i/ili u slučaju potrebe dezinfikuju. Podaci o dezinfekciji će biti navedeni u fitosanitarnom certifikatu u polju „Postupak dezinfestacije i/ili dezinfekcije“, a u skladu sa tačkom 15. Protokola i o čemu će izvoznik, odnosno odgovorno lice izvoznika, predložiti odgovarajuće dokaze fitosanitarnom inspektoru.
6.
  - 1) Fitosanitarni certifikat se može izdati izvozniku u Rusku Federaciju samo ako je proizvod bosanskohercegovačkog porijekla, odnosno uzgajan i proizveden u Bosni i Hercegovini. U skladu sa prednjim u rubriku 11 fitosanitarnog certifikata - dopunska izjava, obavezno se navodi ime i prezime, adresa proizvođača proizvoda visokog fitosanitarnog rizika uz navođenje opisa parcele (grunтовni naziv, KČ i površina parcele) i važećeg propisa Ruske Federacije.

- 2) Fitosanitarni inspektor popunjava rubriku 11 fitosanitarnog certifikata uz prethodno predočene podatke o porijeklu (izjava izvoznika-proizvođača ili drugi vjerodostojan dokument kojim se potvrđuje porijeklo robe).
7. Ukoliko kao rezultat provjere dokumenta nisu ustanovljene nepravilnosti/neusklađenost, fitosanitarni inspektor će izvršiti obavezu fitosanitarnu kontrolu pošiljke voća i povrća isključivo na mjestu utovara kako bi utvrdio da li pošiljka ili lot ispunjavaju uslove a na osnovu:
  - vizuelnog inspekcijuskog pregleda na mjestu proizvodnje ili u skladištu i
  - eventualno uzorkovanje za potrebe laboratorijskih analiza u slučaju sumnje od strane fitosanitarnog inspektora.
8.
  - 1) Svaku pošiljku voća i povrća porijeklom iz Bosne i Hercegovine, a koja se izvozi u Rusku Federaciju mora da prati fitosanitarni certifikat potpisan i ovjeren od nadležnog fitosanitarnog inspektora koji je obavezan da, bez obzira na odredbu člana 19. stav (2) Pravilnika o mjerama za sprečavanje unošenja, širenja i suzbijanja štetnih organizama na bilju, biljnim proizvodima i regulisanim objektima („Službeni glasnik BiH“, broj 59/11) izvrši pregled na mjestu utovara pošiljke i prisustvuje utovaru pošiljke čime se potvrđuju i ispunjenost uslova iz tačke 15. Protokola.
  - 2) Fitosanitarni certifikat se može izdati samo ako je fitosanitarnim pregledom utvrđeno da su ispunjeni svi fitosanitarni uslovi.
9.
  - 1) Ukoliko se pošiljka u cijelosti utovara na jednom mjestu, obavezu fitosanitarnu kontrolu i izdavanje fitosanitarnog certifikata će obaviti mjesno nadležni fitosanitarni inspektor na osnovu podnešene dokumentacije, podataka i prethodnih saznanja tokom redovnih kontrola kod proizvođača, uvoznika i izvoznika.
  - 2) Ukoliko se pošiljka utovara na više mjesta u jednom ili oba entiteta i Brčko distrikta BiH, fitosanitarni certifikat će izdati fitosanitarni inspektor koji je obavio obavezu fitosanitarnu kontrolu na mjestu poslednjeg utovara. Mjesno nadležni fitosanitarni inspektor je obavezan izvršiti obavezu fitosanitarnu kontrolu na svakom mjestu utovara navedene pošiljke i o tome sačiniti zapisnik u kome će konstatovati sve činjenice koje su relevantne za konačno izdavanje fitosanitarnog certifikata.
  - 3) Fitosanitarni inspektor koji izdaje fitosanitarni certifikat u ovakvim slučajevima će izdati isti samo ako je uz zahtjev za izdavanje fitosanitarnog certifikata, pored ostale dokumentacije, priložena i kopija svih zapisnika o izvršenim kontrolama na svim mjestima utovara dijelova pošiljke.
10. Drveni materijal za pakovanje deblji od 6 mm mora biti tretiran i označen u skladu sa Pravilnikom o fitosanitarnim zahtjevima za drveni materijal za pakovanje u međunarodnom prometu („Službeni glasnik BiH“, broj 60/12 i 28/13), odnosno u skladu sa međunarodnim standardom za fitosanitarne mere ISPM 15.
11. Ova Instrukcija stupa na snagu narednog dana od dana donošenja.

Broj: 06-02-2-221-1 /18  
Sarajevo, 07.03.2018.godine



DIREKTOR  
Dr. Goran Perković